

आकाशवाणी

खबरां

1. अमरीकी राष्ट्रपति डोनल्ड ट्रम्प होरें विश्वास जताया ऐ जे भारत ते अमरीका बपार समझौते पर पुज्जङना।
2. सुप्रीम कोर्ट नै कल बसंत पंचमी पर मध्य प्रदेश च विवादित भोजशाला-कमलमौला मसीत च हिंदू समुदाय गी पूजा करने दी अनुमति दित्ती, मुसलमानें गी दपैहरी 1 बजे थमां 3 बजे तोड़ी शुक्रवार दी नमाज अदा करने दी अनुमति।
3. भार ते यूरोपीय संघ अगले हफ्ते नमीं सुरक्षा ते रक्षा सांझेदारी पर हस्ताक्षर करने लेई त्यार ऐ।
4. भारत नै यू.एन.एस.सी सुधार पर तौले कार्यवाही करने दा आह्वान कीता। चेतावनी दित्ती जे चिर करने पर मती मनुक्खी पीड़ा होई सकदी ऐ।
5. वैश्विक भू-राजनीतिक तनाव घटने करी सोना-चांदी ते ई.टी.एफ दे मुल्लें च गिरावट।
6. ते बैडमिंटन च पी.वी सिंधु ते लक्ष्य सेन इंडोनेशिया मास्टर्स टूर्नामेंट दे क्वार्टरफाइनल च पुज्जे।

<><><><><><>

US Prez.

अमरीका दे राष्ट्रपति नोनल्ड ट्रम्प होरें दावोस च विश्व आर्थिक मंच पर प्रधानमंत्री नरेंद्र मोदी हुंदी सिफत कीती। मोदी होरें गी अपना खास दोस्त आखदे होई अमरीकी राष्ट्रपति होरें एहू भरोसा दोआया जे भारत ते संयुक्त राष्ट्र अमरीका इक बपार समझौते पर पुज्जंगन। वाशिंगठन ते नमीं दिल्ली दे बश्कार बपार सौदे दे गतिरोध गी सुलझाने दे मकसद दी गल्लबात चला'रदी ऐ। भविक्ख च भारत ते अमरीका बश्कार होने आले बपार समझौते बारै पुच्छे जाने पर अमरीकी राष्ट्रपति होरें आखेआ जे उंदा इक समझौता होने जा'रदा ऐ।

<><><><><><>

SC-Prayers

सर्वोच्च अदालतै मध्य प्रदेश दे धार जिले दी विवाद आहली भोजशाला-कमल मौला मसीतै च कल बसंतपंचमी दे मौके पर हिंदू समुदाय गी सूर्योदय थमां लेइयै सूरज गूब होने तगर पूजा-पाठ करने दी इजाजत देई दित्ती ऐ जिसले कि मुसलमानें गी दपैहरी 1 बजे शा 3 बजे तोड़ी नमाज अदा करने दी इजाजत दित्ती गई ऐ। सुप्रीम कोर्ट नै आखेआ ऐ जे नमाज अदा करने लेई औने आहले मुस्लिम समुदाय दे लोकें दी सूचि जिला प्रशासन गी दित्ती जा। प्रधान न्याधीश न्यामूर्ति सूर्यकांत, जांयमाले बागची ते विपुल एम. पंचौली हुंदी पीठै दौनें पखें गी सद्भाव बनाई रखने लेई आखेआ। इस दरान कनून बवस्था बकरार रखने लेई राज्य ते जिला प्रशासन दे कन्नै सहयोग करने दी अपील बी कीती गई ऐ। अदालतै जिला प्रशासन गी प्रार्थना स्थल पर सुरक्षा बवस्था यकीनी बनाने दा निर्देश दित्ता ऐ। एहदे शा पैहले दौनें पखें भोजशाला परिसर च धार्मिक गतिविधियें आस्तै इजाजत मंगी ही। ध्यानजोग ऐ जे हिंदू समुदाय भोजशाला गी बागदेवी दा मंदर मनदा ऐ जिनेंगी देवी सरस्वती दे रूपै च बी जानेआ जंदा ऐ जिसले कि मुस्लिम समुदाय इस थाह गी कमलमौला मसीत आखदा ऐ। एहू भारती पुरातत्व सर्वेक्षण आसेआ संरक्षित 11मीं सदी दा स्मारक ऐ। 7 अप्रैल सन 2003 गी होए दे इक समझौते मुजब हिंदू श्रद्धालु हर मंगलवारें इस परिसर च पूजा करदे न ते मुसलमान शुक्रवारें उत्थे नमाज पढदे न।

<><><><><><>

SC-BCCI

सुप्रीम कोर्ट नै भारती क्रिकेट कंट्रोल बोर्ड गी भारत दी अधिकारिक राष्ट्री क्रिकेट टीम दे प्रतिनिधि दे रूपै च पेश कीते जाने पर रोक लाने आहली याचिका गी बेबुनियाद करार दिंदे होई अज्ज खारज करी दित्ता ऐ। याचिका च लोक प्रसारक आकाशवाणी ते दूरदर्शन दा प्रशासनिक संचालन करने आले प्रसार भारती गी बीसीसीआई दी क्रिकेट टीम गी भारती राष्ट्री क्रिकेट टीम या टीम इंडिया आखने थमां रोकने दी मंग कीती गेदी ही। प्रधान

न्याधीश न्यामूर्ति सूर्यकांत जॉयमाले बागची ते विपुल एम. पंचौली हंडी पीठे दिल्ली हाई कोर्ट दे 8 अक्तूबर आले उस हुक्म गी बरकरार रखेआ ऐ जेदे च इस सरबंधे च दायर जनहित याचिका गी खारिज कीता गेआ हा।

<><><><><><>

### Prog. Announcement Constitution (Teaser)

आकाशवाणी जम्मू दा क्षेत्रीय समाचार एकांश 77में गणतंत्र दिवस दे सरबंध च 24 जनवरी 2026 गी 30 मिंटे दी अवधि आला इक खास कार्यक्रम गी पेश करने जा'रदा ऐ। इस खास कार्यक्रम दा विशे होग 'Our constitution our strength' यानि स्हाड़ा संविधान स्हाड़ी ताकत। एहू खास कार्यक्रम शनिवारें 24 जनवरी दपैहरी साडे 12 बजे प्रसारित कीता जाहगा। रक्षा समीक्षक दे तौर पर ब्रिगेडियर डी.एन पांडे, ते संविधान माहिर दे तौर पर लॉ विभाग जम्मू युनिवर्सिटी दे प्रोफेसर विजय सहगल होर इस कार्यक्रम च परौहने होडन जेडे इस विशे पर अपने बचार सांझा करडन। इस कार्यक्रम दी मेजबानी स्हाड़ी समाचार एंकर श्रुति खजूरिया होर करडन।

<><><><><><>

### BJP Tamilnadu

बीजेपी दे सीनियर नेता ते केंद्री मंत्री पीयूष गोयल होरें आखेआ ऐ जे तमिलनाडू दे मधुरनथाकम च कल प्रधानमंत्री नरेंद्र मोदी हुं'दे सार्वजनिक संबोधन लेई भ्याल धडें दे कन्नै गल्लबात कीती जा'रदी ऐ। चेन्नई च बरोधी धडें दे नेता ते ए.आई.ए.डी.एम.के दे महासचिव इडापट्टी पलनीसामी हुं'दे कन्नै बैठक दे मगरा मीडियाकर्मियें कन्नै गल्लबात करदे होई गोयल होरें आखेआ जे लोकें गी डी.एम.के दा बरोध करना लोडचदा कीजे ओहू लोक बरोधी ते विकास बरोधी पार्टी ऐ। उनें सनातन बरोधी टिप्पणियें लेई उदयनिधि स्टालिन हुं'दी निंदेआ कीती ते आखेआ जे उनेंगी बंड पोआने ते लोकें दे जज्बात कन्नै खेडने लेई हाईकोर्ट थमां फटकार बी खानी पेई ही। उनें मंग कीती जे उदयनिधि हुं'दे खलाफ फौरी कार्रवाई होनी लोडचदी ऐ ते उनेंगी सरकार थमां हटाई दिता जाना लोडचदा।

<><><><><><>

### India-EU

भारत ते यूरोपियन संघ अगले हफते नमीं दिल्ली च भारत यूरोपीय संघ शिखर सम्मेलन च इक नमी सुरक्षा ते रक्षा सांझेदारी पर अपने रणनीतिक सरबंधें गी मजबूत करने लेई हस्ताक्षर करने जा'रदा ऐ। यूरोपीय संघ दे विदेश नीति प्रमुख चीफ काजा कल्लास होरें कल संझा फ्रांस दे स्ट्रासबर्ग च यूरोपीय संसद गी संबोधत करदे होई एहू घोशणा कीती। उनें आखेआ जे एहू समझौता भारत प्रशांत क्षेत्र च स्थिरता पर ध्यान केंद्रित करदे होई समुंद्री सुरक्षा आतंकवाद विरोधी साइबर सुरक्षा ते समुंद्री डोमेन जागरूकता समेत मुख-मुख खेत्तरें च सहयोग गी होर गूडा करोग। एहू यूरोपीय संघ दे विदेश नीति प्रमुख नै आखेआ जे यूरोप भारत दे कन्नै इक नमा शक्तिशाली एजेंडा देने लेई तयार ऐ।

<><><><><><>

### HM Gayatri

केंद्री गृह मंत्री अमित शाह होरें अज्ज हरिद्वार दे गायत्री परिवार राएं आयोजित कीते गेदे 100एं बरें दे समारोह गी संबोधित कीता। उनें आखेआ जे हरिद्वार कुम्ब दा इक पवित्र क्षेत्र ऐ जिसी सप्तऋषियें दी तपस्या दी भूमि आखेआ जंदा ऐ। शाह होरें आखेआ जे एहू उयै भूमि ऐ जित्थे पंडित श्रीराम शर्मा आचार्या ते वंदनीय माता जी होरें गायत्री उर्जा गी उजागर कीता। उनें इब्बी आखेआ जे पंडित श्रीराम शर्म आचार्य होरें व्यक्तिगत चरित्र निर्माण दे मार्ग दे माध्यम कन्नै आस्था, आध्यात्मिकता ते संस्कृति दा मार्गदर्शन करोआया ऐ।

<><><><><><>

### BBPP

अज्ज बेटी बचाओ बेटी पढ़ाओ अभियान दे 11 बजे पूरी होई गए न। इक सोशल मीडिया पोस्ट च प्रधानमंत्री नरेंद्र मोदी होरें आखेआ जे भारत च धीएं गी लक्ष्मी माता दा रूप मन्नेआ जंदा ऐ। उनें आखेआ जे एहू बडे गै गर्व दी गल्ल ऐ जे कुडियां हर क्षेत्रे च नां रौशन करियै मुल्ले दा मान बधा'रदियां न। प्रधानमंत्री मोदी होरें बेटी बचाओ

बेटी पढाओ अभियान दी शुरूआत 22 जनवरी 2015 च हरियाणा दे पानीपत चा कीती ही। एहदे तैहत कुड़ियें गी इक दोआने च सरकारी एजेंसिएं, नागरिक समाज दे सदस्यें, मीडिया कर्मियें समेत होरनें रलियै कम्म कीता। इस अभियान गी इससै चाल्ली बधी-चढियै सफल बनाया गेआ। 2014-15 च लिंग अनुपात 918 हा जेडा हुन बधियै 930 होई गेआ ऐ।

<><><><><><>

### Kerala-SIT

केरला च केरल उच्च न्यायालय दी निगरानी च सबरीमाला स्वर्ण मामले दी जांच करा'रदी विशेष जांच टीम नै मुख् पुजारी तंत्रि कंडारारू राजीवारू थमां पुच्छ गिच्छ शुरू कीती। कोल्लम सतर्कता अदालत नै अज्ज सिट गी सबरीमाला स्वर्ण मामले दे सरबंधे च इक्क दिन आस्तै हिरासत च लैता। अदालत इस म्हीने दी 28 तरीक गी तंत्री गी जमानत याचिका पर विचार करोग। तोआई, राज्य विधानसभा च इस मुद्दे पर विपक्ष ते ट्रेजरी बैंच दे बश्कार खूब बैहस होई जेदे करी सदन दी कार्यवाही गी पूरे दिने आस्तै स्थगित करी दिता गेआ। विपक्ष नै साबका मंत्री कडकंपल्ली सुरेंद्रन दे विधायक पद थमां इस्तेफे दी मंग कीती।

<><><><><><>

### G4 UNSC

जी-4 राष्ट्र संयुक्त राष्ट्र सुरक्षा परिशद दे पुनर्गठन आस्तै तौले शा तौले कार्रवाई दा इक मॉडल प्रस्तुत कीता। समूह नै चेतावनी दिती ऐ जे संयुक्त राष्ट्र दे फैसले लैने आहली संस्था च सुधार च देरी करने कन्नै मता दुख ते पीडा होग। भारत दे स्थाई प्रतिनिधि पी. हरिश होरें कल न्यूयार्क शैहर च संयुक्त राष्ट्र मुख्यालय च संयुक्त राष्ट्र सुरक्षा परिशद सुधारें आस्तै अंतर सरकारी गल्लबात च जी-4 दे आसेआ एह गल्ल आकषी।

<><><><><><>

### Gold/Silver

भारती सराफा बजार च अज्ज सोने ते चांदी दी कीमतें च पिछले सत्र च छुए दे उच्च स्तर रिकार्ड थमां गिरावट आई। एह गिरावट मुनाफा-वसूली, भू-राजनीतिक तनाव घट्ट होने ते अमरीकी डालर मजबूत होने करी होई। तोआई, सोने ते चांदी दे एक्सचेंज ट्रेडस फंड च अज्ज 15 फीसदी तगर दी गिरावट होई।

<><><><><><>

### Badminton

बैडमिंटन च पी.वी सिंधू ते लक्ष्य सेन अज्ज इंडोनेशिया मास्टर्स टूर्नामेंट दे क्वार्टर फाइनल च पुज्जी गए।

<><><><><><>

### Amrit Udyan

अमृत उद्यान जेडा राष्ट्रपति भवन दे अंदर ऐ, उसी अगले म्हीने दी 3 तरीक थमां 31 मार्च धोड़ी आम जनता आस्तै खोलेआ जाह्ग। राष्ट्रपति सैक्टरिएट नै इक कथन च आखेआ जे एह बाग खुल्लने दा समें बडुलै 10 बजे थमां शामी दे 6 बजे धोड़ी होग ते लास्ट एंट्री सवा पंज बजे कीती जाह्ग। अमृत उद्यान च प्रवेश सभनें आस्ते मुफ्त रौह्ग ते इत्थे जाने आस्तै आनलाइन बुकिंग [visit.rashtrapatibhavan.gov.in](http://visit.rashtrapatibhavan.gov.in) उप्पर ते ऑफलाइन बुकिंग राष्ट्रपति भवन दे बाहर गेट नंबर 35 च होग। यात्रियें दी स्थूलत आस्तै सेंटल सेक्टरिएट मेट्रो स्टेशन थमां गेट नंबर 35 तोड़ी बस सेवा हर अद्दे घंटे बाद होग।

<><><><><><>

### Bhaderwah Accident

भद्रवाह गी चम्बा कन्नै जोड़ने आहली शिडक पर खन्नीटॉप इलाके च होए दे इक शिडक हादसे च सेना दे 10 जवानें दी मौत होई गेई जिसलै के 10 होर दुए गंभीर तौरा पर घाजल होई गए। इक अधिकारी नै दस्सेआ गेआ ऐ जे एह हादसा गड्डी दे शिडका परा खल्ल रूलकने करी होआ। हादसे दे तुरत मगरा बचा ते राहत टीमां मौके पर

हादसे आहली थाह्रां पुज्जियां जिनें घाऽलें गी उप जिला अस्पताल भद्रवाह पजाया जिथुआं उ'नेंगी माहिराना इलाज लेई ब्हाई रस्तेआं मिलीट्री अस्पताल उधमपुर पजाया गेआ। लेफिटनेंट गवर्नर मनोज सिन्हा ते मुखमंत्री उमर अब्दुल्ला होरें मंदें भागें आहले इस शिडक हादसे च 10 फौजी जवानें दे बलिदान होई जाने पर डूंगा दुख ते बसोस बुज्जेआ ऐ।

<><><><><><>

### Prog. Ann-Valour Day

आकाशवाणी दा क्षेत्रीय समाचार एकांश जम्मू कल 23 जनवरी गी “पराक्रम दिवस” दे मौके पर 25 मिन्टें दी इक विशेष परिचर्चा प्रसारत करने जा'रदा ऐ। दपैहरी 12 बजे प्रसारत होने आहली इस परिचर्चा दा विषे सार ऐ- “दलेरी थमां प्रेरणा- नेताजी हुंदे विचार ते अज्जै दा भारत”। नेताजी सुभाष चन्द्र बोस हुंदी जन्म जयंति दे सिलसिले च हर बरे 23 जनवरी गी “पराक्रम दिवस” दे रूपै च मनाया जन्दा ऐ। इस विशेष परिचर्चा च स्हाडी परौहनियां होगंन- जम्मू युनिवर्सिटी च प्रोफैसर शशी प्रभा जेहडियां इस विषय पर अपने माहिराना विचार सांझे करगंन। कार्यक्रम दी मेजबानी करगंन स्हाड न्यूज एंकर विजय बजाज चेता रक्खेया-23 मार्च गी दिनें 12 बजे स्हाडे इससै चैनल मीडियम वेव 303 मीटर यानि 990 किलोहर्टस ते एफ.एम 100 इशारिया 3 मेगाहर्टस पर।

<><><><><><>